



Lus Nthuav Txog Children's Disability Programs (Wisconsin Cov Kev Pab Rau Me Nyuam Txoj Kev Tsis Taus) Diversity and Equity Conversations (Cov Kev Sib Tham Txog Neeg Lwm Haiv Txawv thiab Kev Vaj Huam Sib Luag) Koom Haum Hauv Zej Zog thiab Tsev Neeg Cov Zeeg Tawm Tswv Yim

(Children's Disability Programs Diversity and Equity Conversations Community Agency and Family Input Sessions Summary)

Keeb Kwm

Wisconsin Department of Health Services (Tuam Tsev Tswj Xyuas Kev Cov Kev Kho Kab Mob Kev Nkeeg) (DHS) xav txhim kho txoj kev vaj huam sib luag hauv Wisconsin cov kev kho kab mob kev nkeeg rau cov pej xeem lwm haiv neeg txawv thiab cov tib neeg uas muaj cov kev tsis taus ntawm lub cev ntaj ntsug thiab lub siab ntsws lub hlwb. Qhov no yog txhim kho cov kev pab thiab cov kev ntsib muaj rau cov me nyuam thiab cov tsev neeg hauv DHS cov kev pab rau me nyuam txoj kev tsis taus.

Yeej tau muaj cov zeeg tawm tswv yim saum huab cua nrog cov koom haum hauv zej zog, cov tsev neeg, thiab cov pawg neeg qhab kom kawm tau txog cov lawv tau ntsib hauv cov kev pab rau me nyuam txoj kev tsis taus.

Cov hom phiaj ntawm cov zeeg tawm tswv yim no yog kom:

- Hnov cov kev xav txog DHS cov kev pab rau cov me nyuam muaj cov kev tsis taus.
- Kawm txog cov tsev neeg cov kev tau ntsib nrog cov kev pab rau cov me nyuam muaj cov kev tsis taus.
- Kom tau cov tswv yim kev hu cuag cov tsev neeg coob ntxiv li cas.
- Kom tau cov tswv yim rau peb txhawb cov tsev neeg zoo dua ntxiv li cas.

Cov Zeeg Tawm Tswv Yim

DHS tau muaj plaub zeeg tawm tswv yim kom hnov los ntawm cov pej xeem lwm haiv neeg txawv hauv Wisconsin. Tau muaj ib zeej rau cov koom haum hauv zej zog thaum Tsib Hlis Ntuj tim 5, 2022; rau cov tsev neeg thaum Tsib Hlis Ntuj tim 19 thiab 24; thiab rau Tribal Nations (Cov Pawg Neeg Qhab) thaum Rau Hli Ntuj tim 16.

Tau nug cov neeg koom txog:

- Seb cov cuab yeej qhia ncauj lus txog cov kev pab rau me nyuam txoj kev tsis taus nthuav pom muaj cov tsev neeg sib txawv thiab muaj cov ncauj lus tseem ceeb zoo npaum cas.
- Txoj kev koom nrog Birth to 3 Program (Me Nyuam Yug Kiag txog 3 Xyoos), Children's Long-Term Support (CLTS) Program (Txoj Kev Pab Txhawb Rau Me Nyuam Mus Ntev), thiab Katie Beckett Medicaid zoo li cas.
- Yam dab tsi tau pab lub tsev neeg koom nrog cov kev pab no thiab yam dab tsi ua nyuab rau tsev neeg mus koom.
- DHS yuav ua tau dab tsi ntxiv kom hu cuag thiab pab tau cov tsev neeg ntau dua ntxiv thiab ua kom koom tau yooj yim dua.
- DHS yuav sib koom tes li cas thiaj li yuav zoo dua ntxiv nrog cov koom haum hauv zej zog.

Ncauj lus kev xav

DHS tau txais cov ncauj lus kev xav muaj txij ntsim thaum cov zeeg tawm tswv yim. Cov kev xav thiab cov tswv yim no yuav pab txhawb rau cov dej num hauv txoj kev kho kab mob kev nkeeg kom muaj kev vaj huam sib luag ntawm cov haiv neeg sib txawv hauv cov kev pab rau me nyuam txoj kev tsis taus.



Cov neeg koom yuav qhia cov nram no:

- **Cov khoom cuab yeej:** Cov koom haum thiab cov tsev neeg tau qhia tias lawv pom cov khoom cuab yeej qhia ncauj lus txog Birth to 3 Program (Me Nyuam Yug Kiag txog 3 Xyoos) yeej pab tau zoo thiab qhia tau zoo. Lawv nyiam qhov tias cov ncauj lus tshiab muaj ntau hom tsev neeg thiab muab txhais ua Lus Mev thiab Lus Hmoob. Cov koom haum thiab cov tsev neeg tau qhia tias cov kev pab rau me nyuam txoj kev tsis taus yuav tau txhim kho txoj kev sib txuas lus nrog cov tsev neeg uas hom lus hais tsis yog Lus Askiv. Cov koom haum tau qhia tias lawv cov zej zog neeg yuav txaus siab rau cov chaw muaj kev pab uas pom tau thiab nyob hauv viv dis aus uas pom cov haiv neeg txawv thiab cov kab lis kev cai ntau heev dua.
- **Kev ras txog:** Cov koom haum thiab cov tsev neeg puav leej tau qhia tias cov kev pab rau me nyuam txoj kev tsis taus yeej tau muab kev pab zoo heev rau ntau cov tsev neeg thiab yeej yog qhov chaw muaj kev pab tseem ceeb, tiam sis cov tsev neeg uas txawv lwm haiv neeg yeej muaj kev koom nrog cov kev pab no thaum lawv cov me nyuam loj dua. Ib tsev neeg tau qhia tias txoj kev siv txoj kev pab Katie Beckett coj lawv mus cuag tau lwm cov kev pab uas yeej tau pab lawv lub tsev neeg tau zoo heev.
- **Cov kev sib raug zoo:** Cov koom haum hauv zej zog thiab cov zej zog neeg qhab tau qhia tias kev txhawb rau cov tsev neeg yog qhov ua tau hauj lwm zoo tshaj plaws thaum cov kev pab rau me nyuam txoj kev tsis taus muaj cov kev sib raug zoo nrog cov chaw muaj kev pab hauv zej zog uas cov tsev neeg twb ntseeg siab thiab muaj kev sib raug zoo nrog lawm, xws li cov kws kho mob thiab cov neeg tu mob, cov neeg zov tu me nyuam, thiab lwm cov koom haum nyob rau hauv lub zej zog.
- **Kev Paub Txog Kab Lis Kev Cai:** Kev nkag siab tias cov kab lis kev cai yog ib yam tseem ceeb rau txoj kev rau npe thiab kev koom tes nrog cov tsev neeg. Tribal Nations (Cov Pawg Neeg Qhab) tau qhia tias nws tseem ceeb uas cov tsev neeg tsis txhob ntsib txoj kev sab tsis taus thiab muaj peev xwm tau cov kev pab rau ntawm cov chaw uas lawv xis yog tias lawv tsis xav kom leej twg tuaj rau hauv tsev. Kev paub txog cov kev coj kab lis kev cai yog xam lub zej zog hauv zos thiab tus tib neeg cov kab lis kev cai dab qhua thiab kev coj. Cov koom haum hauv zej zog tau qhia qhov tseem ceeb ntawm txoj kev ntiav cov neeg ua hauj lwm hais tau ob hom lus thiab paub txog kab lis kev cai thiab kev muab txoj kev cob qhia kom ras paub txog kab lis kev cai, kev paub pab, thiab kev muaj peev xwm los txhawb rau txoj kev nkag siab no.
- **Kev khwv noj khwv haus:** Muaj cov support and service coordinators (thawj tswj xyuas kev txhawb thiab kev pab) thiab cov neeg muab kev pab uas yog lwm haiv neeg yeej tseem ceeb. Cov koom haum hauv zej zog tau qhia qhov tseem ceeb ntawm txoj kev ntiav cov neeg ua hauj lwm hais tau ob hom lus thiab paub txog kab lis kev cai.

Cov Kauj Ruam Tom Ntej rau DHS

Yuav muab cov ncauj lus uas qhia los ntawm cov neeg koom hauv cov zeeg tawm tswv yim no coj mus siv txhim kho txoj kev kho kab mob kev nkeeg kom muaj txoj kev vaj huam sib luag ntawm cov haiv neeg sib txawv thiab lwm cov kev pab txhawb DHS cov kev pab me nyuam txoj kev tsis taus.